

Prabhat

**পটিয়ার উচ্চ বিদ্যালয়
সরকারীকরণের আবেদন**

পূর্ববর্তী সরকারের আমলে অন্যান্য উপজেলার ন্যায় পটিয়া উপজেলায়ও ১টি বালক ও ১টি বালিকা উচ্চ বিদ্যালয় সরকারীকরণের প্রস্তাব গৃহীত হলে, উপজেলা সদরের উপকন্ঠে অবস্থিত একমাত্র বালিকা উচ্চ বিদ্যালয়টি সাথে সাথে সরকারীকরণ করা হয় এবং বালক উচ্চ বিদ্যালয়ের মধ্যে পাশাপাশি অবস্থিত পটিয়া আদর্শ উচ্চ বিদ্যালয় এবং এ, এস, রাহাত আলী উচ্চ বিদ্যালয়টিকে প্রস্তাবাধীন রাখা হয়।

কারণ, বিদ্যালয় দু'টির বিভিন্ন মুখী অগ্রগতির খতিয়ান দেখলে

একটিকে বাদ রেখে অপরটি সরকারীকরণ কিছুতেই সম্ভব হয়ে উঠে না। গত ১৬-২-৮২ ইং তারিখে মাধ্যমিক ও উচ্চ শিক্ষা পরিদপ্তরের মহাপরিচালক ডঃ হাফেজ আহমদের নেতৃত্বে সর্বশেষ যে তদন্ত টিমটি এসেছিলেন তাঁরা উভয় বিদ্যালয়ের দু'প্রধান শিক্ষক ও দু'পরিচালনা কমিটির সদস্যদের নিয়ে দু'টি বিদ্যালয়কে একত্রীকরণ করার লক্ষ্যে সাবেক মহকুমা প্রশাসক কে.এম. নাজমুল আলম সিদ্দিকীর সভাপতিত্বে অনুষ্ঠিত এক জরুরী সভায় মিলিত হন, কিন্তু সঠিক কোন সিদ্ধান্তে উপনীত হতে পারেননি।

তাহাড়া, ১৯৮৪ সালের ১২ই সেপ্টেম্বর পটিয়া উচ্চ বিদ্যালয়

মাঠে আয়োজিত বিশাল জনসমাবেশে মহামান্য রাষ্ট্রপতি সুস্পষ্ট বোষণা করেন যে, বিদ্যালয় দুটি এক হলেই সরকারীকরণ করা হবে, নইলে নয়; এভাবে পটিয়াবাসী তথা উপজেলার দরিদ্র মেধাবী ছাত্ররা দীর্ঘ কয়েক বছর ধরে শিক্ষা ক্ষেত্রে সরকার কর্তৃক দেয়া এ বিশেষ সুযোগ সুবিধা থেকে বঞ্চিত রয়েছে। পটিয়াবাসী সুনিশ্চিতভাবে বলতে পারে, এ দু'টি বিদ্যালয় অতীতেও এক হতে পারেনি, আজও পারছে না, ভবিষ্যতেও পারবে কিনা সন্দেহ। এমতাবস্থায় সংশ্লিষ্ট কর্তৃপক্ষ সমীপে একান্ত অনুরোধ, উপজেলা সদরের উপকন্ঠে অবস্থিত দেশের ব্যাতনামা একজন আউলিয়ার

নামাঙ্কিত শিক্ষা প্রতিষ্ঠান শাহ আমির উচ্চ বিদ্যালয়টিকে সম্বল সরকারীকরণ করে উপজেলার দরিদ্র মেধাবী ছাত্রদের সুশিক্ষা গ্রহণের সুযোগ দেয়া হোক।
মোহাম্মদ আলী,
গোবিন্দারখীল, পটিয়া, চট্টগ্রাম।